

Na osnovu člana 2. stav 1. Zakona o štrajku i člana /Službene novine FBiH“ br 14/00, člana 5. stav 3. Pravila Saveza samostalnih sindikata BiH o štrajku (br: 01-1030/2001 od 01.novembra 2001.godine), Glavni odbor Saveza samostalnih sindikata BiH na sjednici održanoj 28.04.2014.godine, donio je, a Vanredni Kongres Saveza samostalnih sindikata BiH na zasjedanju od 01. maja 2014. godine, potvrđuje

ODLUKU O ORGANIZOVANJU I ODRŽAVANJU GENERALNOG ŠTRAJKA UPOZORENJA

Član 1.

Ovom Odlukom utvrđuje se vrijeme, način organizovanja i održavanja Generalnog štrajka upozorenja, kao i zahtjevi Saveza samostalnih sindikata BiH zbog kojih se organizuje štrajk.

Član 2.

Generalni štrajk upozorenja organizuje se s namjeroma hitnog ispunjavanja slijedećih prioritenih zahtjeva Saveza samostalnih sindikata BiH :

1. Obavezno vršiti usklađivanje najniže neto i bruto satnice sa porastom troškova života u skladu sa Općim kolektivnim ugovorom za teritoriju FBiH i poštivanje svih kolektivnih ugovora;
2. Bez odlaganja usvojiti pravne akte kojima će se omogućiti da se radnicima poveže radni staž i omogući im odlazak u zasluženu penziju, te hitno obezbijediti sredstava za sukcesivno povezivanje staža radnicima koji su već stekli uslove za penzionisanje;
3. Svim radnicima i građanima bezuslovno omogućiti zdravstvenu zaštitu u osnovnom paketu - primarnu zdravstvenu zaštitu;
4. Hitno donijeti Zakon o sigurnosti i zdravlju na radu;
5. Donijeti izmjene i dopune Zakona o stečaju kojim će se ograničiti trajanje stečajnog postupka i osigurati da radnici sa svojim ukupnim potraživanjima iz radnog odnosa budu u prvom isplatnom redu, te da stečaj prioriteto služi ozdravljenju preduzeća;
6. Obezbijediti hitnu i dosljednu primjenu Zakona o reviziji privatizacije državnog kapitala u privrednim društvima i bankama;
7. Oblasti rada, zapošljavanja, zdravstva i obrazovanja prenijeti isključivo na nivo FBiH, čime će se postići ujednačavanje prava i obaveza za sve građane u FBiH;
8. Ukinuti nadzorne odbore u svim privrednim društvima i javnim preduzećima sa većinskim državnim vlasništvom.

Član 3.

Generalni štrajk upozorenja održati će se **27. maja 2014. godine (utorak) sa početkom u 12.00 sati** na području Federacije BiH i trajati će najduže dva sata .

Generalni štrajk upozorenja održati će se u sindikalnim organizacijama članica Saveza.

Član 4.

Članice Saveza samostalnih sindikata BiH dužne su da putem svojih sindikalnih organizacija, u skladu sa članom 5. Zakona o štrajku, obezbjede utvrđivanje poslova koji se neće obavljati za vrijeme štrajka.

Član 5.

Obavezuje se Predsjedništvo Glavnog odbora Saveza samostalnih sindikata BiH da odmah preduzme sve aktivnosti na organizovanju i održavanju Generalnog štrajka upozorenja i o tome obavještava članice Saveza samostalnih sindikata BiH koje se dužne provesti akcije u svojim sindikalnim organizacijama za održavanje i organizovanje Generalnog štrajka.

Član 6.

Odluka stupa na snagu danom donošenja

O B R A Z L O Ž E N J E:

Svjesni izrazito teške ekonomske situacije, stalnog porasta nezaposlenosti i opadanja broja zaposlenih osoba, neadekvatnog funkcionisanja pravne države, snažno prisutnog kriminala i korupcije u svim sferama društva, sprege političkih elita u izvršnoj i zakonodavnoj vlasti i nepostojanja spremnosti političkih subjekata na svim nivoima da se bave životno bitnim stvarima i potisnu u drugi plan isključivo bavljenje samim sobom delegati Vanrednog kongresa Saveza samostalnih sindikata Bosne i Hercegovine, na zasjedanju održanom 1.maja 2014. godine u Sarajevu, potvrđuju Odluku Glavnog odbora Saveza samostalnih sindikata BiH o organizovanju Generalnog štrajka upozorenja Saveza samostalnih sindikata BiH 27.05.2014. godine i zahtjeve Saveza samostalnih sindikata BiH u navedenoj odluci.

Broj: 01-231/14
Sarajevo, 01. maj 2014. godine

Predsjedavajući Vanrednog kongresa
Saveza samostalnih sindikata BiH

Selvedin Šatorović, s.r.